

## Saksprotokoll i fylkestinget - 02.- 03.10.2018

Fylkesordførar svarte slik:

«Interpellasjon frå Natalia A. Golis, MDG, har to spørsmål:

1. Kva tenker fylkesordførar om ein tilnærming der FNs berekraftsmål og Parisavtalen gir føringar for arbeidet i Hordaland og for det nye Vestland ?
2. Kva tenkar fylkesordførar om at det blir bestilt ein berekraftsrapport for Hordaland og/eller Vestland slik at den kan brukast som eit sett indikatorar vi jobbe ut frå, inkludert budsjett ?

### **Bakgrunn**

FN sine berekraftsmål vise kva område man globalt skal setje inn innsats for å sikre ein meir berekraftig utvikling innan 2020.

I regional planstrategi er berekraft alt eit heilt sentralt. Planen for 2016-2021 sitt langsiktige mål er at «Hordaland skal vera berekraftig, attraktivt og nyskapande». Vår planstrategi definerer dette som at planlegging og forvaltning regionalt må finne løysningar som sikrar ein langsiktig balanse mellom økonomisk utvikling, sosial og kulturell utvikling og miljøtilstand.

Noverande rapport for utviklingstrekk for planstrategi 2016 – 2021 ga oversikt over status for dei tre berekraftområda.

### **Spørsmål 1: Kva tenker fylkesordførar om ein tilnærming der FNs berekraftsmål og Parisavtalen gir føringar for arbeidet i Hordaland og for det nye Vestland?**

FNs berekraftsmål og Parisavtalen legg alt i dag føringar for Regional Planstrategi og denne føringa vil og gjelde for arbeidet med regional planstrategi for det nye Vestland fylke. I dei statlege forventningsbrev for regional planlegging vert dette konkretisert. Føremålet med planlegging er å fremje berekraftig utvikling.

Berekraftig utvikling vil vere sentralt for arbeidet også i det nye fylket.

FNs sine berekraftsmål er relevant bakgrunn for arbeidet med ny regional planstrategi.

### **Spørsmål 2: Kva tenkar fylkesordførar om at det blir bestilt ein berekraftsrapport for Hordaland og/eller Vestland slik at den kan brukast som eit sett indikatorar vi jobbe ut frå, inkludert budsjett?**

Eg ser det lite aktuelt å lage ein rapport for berre Hordaland fylke når vi no snart er Vestland fylke.

Indikatorar for utvikling frå FNs bærekraftsmål er relevante for rapportering av utvikling i Vestland fylke. Arbeidet med statistikk og utviklingstrekk for planstrategien for nye Vestland fylke innhald mye av den same informasjonen som Buskerud fylke sin berekraftsrapport. Vestland fylke kan med fordel samstille og summere indikatorar for FNs berekraftsmål inspirert av Buskerud fylkeskommune sin berekraftsrapport.

Arbeidet med resultatrapportering og indikatorar for planlegging og for budsjett bør sjåast i samanheng og ta utgangspunkt i prioriterte mål for Vestland fylke.

Fylkesordførar er positiv til at det i samband med bakgrunnsmateriale for Regional Planstrategi for Vestland fylkes blir utarbeida ein status for korleis utviklinga i Vestland er på FNs bærekraftsmål for eit utvalt sett av indikatorane.

Administrasjonen vil fortrinnsvis lage ei slik oversikt med dei data administrasjonen alt har, utan å bestille eksternt konsulentrapport. Det er ein fordel å bruke eigen kompetanse i størst mogleg grad i eit slikt arbeid. Regionalavdelinga har eit godt analysemiljø med god kompetanse.»

**Natalia Golis (MDG)** sette fram slikt forslag:

«Fylkestinget i Hordaland meiner at FNs bærekraftsmål bør vera overordna og førande i arbeidet fram mot og i det nye Vestland fylkeskommune.»

**Tom Sverre Tomren (Krf)** sette fram slikt forslag:

«HFK viser til Buskerud fylkeskommune sin bærekraftsrapport og finner den som et interessant innspill til metode når kartlegging, indikatorer, mål og visjoner skal utvikles for det nye vestlandsfylket. Fylkestinget ber fellesnemda ta med seg innspillet i det vidare arbeidet med strategi for vestlandsfylke»

Tomren trekte sitt forslag.

Fylkestinget tok stilling til om Golis sitt forslaget skulle realitetsbehandlast.

Fylkestinget vedtok samrøystes å realitetsbehandla forslaget.

### **Røysting**

Golis sitt forslag vart samrøystes vedteke.

### **Vedtak**

Fylkestinget i Hordaland meiner at FNs bærekraftsmål bør vera overordna og førande i arbeidet fram mot og i det nye Vestland fylkeskommune.